



O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 3277
2020 - yil 01 - iyul

**ЎЗБЕКИСТОН РЕСПУБЛИКАСИ СОҒЛИҚНИ САҚЛАШ ВАЗИРИНИНГ
БҮЙРУГИ**

Тиббиёт ташкилотларида дори воситаларини тайинлаш, халқаро патентланмаган номланиши бўйича рецептларни расмийлаштириш ҳамда беморнинг дори воситаларини қабул қилиш, сақлаш ва қўллаш тартиби тўғрисидаги низомни тасдиқлаш ҳақида

Ўзбекистон Республикасининг “Дори воситалари ва фармацевтика фаолияти тўғрисида”ги Қонуни, Ўзбекистон Республикаси Президентининг 2019 йил 30 декабрдаги ПҚ-4554-сон “Ўзбекистон Республикаси фармацевтика тармоғида ислоҳотларни чукурлаштиришга доир кўшимча чора-тадбирлар тўғрисида”ги қарори ва Ўзбекистон Республикаси Вазирлар Маҳкамасининг 2017 йил 12 сентябрдаги 714-сон “Ўзбекистон Республикаси Соғлиқни сақлаш вазирлиги фаолиятини ташкил этиш тўғрисида”ги қарорига мувофиқ **буюраман**:

1. Тиббиёт ташкилотларида дори воситаларини тайинлаш, халқаро патентланмаган номланиши бўйича рецептларни расмийлаштириш ҳамда беморнинг дори воситаларини қабул қилиш, сақлаш ва қўллаш тартиби тўғрисидаги низом 1-иловага мувофиқ тасдиқлансин.
2. Айрим идоравий норматив-хуқуқий хужжатлар 2-иловага мувофиқ ўз кучини йўқотган деб топилсин.
3. Мазкур буйруқ расмий эълон қилинган кундан эътиборан кучга киради.

Соғлиқни сақлаш вазири



Шадманов А. К.

Тошкент ш.
2020 йил, 01 июль

Келишилди:

Раис

Тошкент ш.
2020 йил, 01 июль

Раиснинг биринчи ўринбосари

Тошкент ш.
2020 йил, 01 июль



IZAMOV R. SH.

Джасимов И. К.

Ўзбекистон Республикаси соғлиқни сақлаш
вазирининг 2020 йил 1 июлдаги 121-сон
буйруғига 1-ИЛОВА

**Тиббиёт ташкилотларида дори воситаларини тайинлаш, халқаро патентланмаган
номланиши бўйича рецептларни расмийлаштириш ҳамда беморнинг дори воситаларини
қабул қилиш, сақлаш ва қўллаш тартиби тўғрисидаги
НИЗОМ**

Мазкур Низом Ўзбекистон Республикасининг “Дори воситалари ва фармацевтика фаолияти тўғрисида”ги Конуни, Ўзбекистон Республикаси Президентининг 2019 йил 30 декабрдаги ПҚ-4554-сон “Ўзбекистон Республикаси фармацевтика тармоғида ислоҳотларни чукурлаштиришга доир кўшимча чора-тадбирлар тўғрисида”ги қарори ва Ўзбекистон Республикаси Вазирлар Маҳкамасининг 2017 йил 12 сентябрдаги 714-сон “Ўзбекистон Республикаси Соғлиқни сақлаш вазирлиги фаолиятини ташкил этиш тўғрисида”ги қарорига мувофиқ тиббиёт ташкилотларида дори воситаларини тайинлаш, халқаро патентланмаган номланиши бўйича рецептларни расмийлаштириш ҳамда беморнинг дори воситаларини қабул қилиш, сақлаш ва қўллаш тартибини белгилайди.

1-боб. Умумий қоидалар

1. Мазкур Низом талаблари дори воситалари билан имтиёзли таъминланиш ҳуқуқига эга бўлган шахслар тоифаларига ҳамда таркибида гиёхвандлик воситалари, уларнинг аналоглари, психотроп моддалар, прекурсорлар ва заҳарли моддалар бўлган дори воситаларини беморга тайинлашга нисбатан татбиқ этилмайди.

2. Ушбу Низомда қўйидаги асосий тушунчалардан фойдаланилади:

дори воситалари – касалликлар профилактикаси, уларга ташхис қўйиш ва уларни даволаш, шунингдек одам организмининг ҳолати ва функцияларини ўзгартириш учун тиббиёт амалиётида қўлланилишига рухсат этилган дори моддалари (субстанциялар) ва ёрдамчи моддалар асосида олинган воситалар, дори моддалари (субстанциялар), дори препаратлари;

дори воситаларининг халқаро патентланмаган номи (бундан буён матнда халқаро патентланмаган ном деб юритилади) – Жаҳон соғлиқни сақлаш ташкилоти томонидан дори воситаси таркибидаги фаол дори моддасининг (субстанциясининг) қисқартирилган номини бериш орқали дори воситасини идентификация қилиш;

рецепт – шифокорнинг фармацевтик маълумотга эга бўлган мутахассисга дори препаратларини тайёрлаш ва (ёки) бериш ҳамда унинг қўлланилиш усули тўғрисидаги электрон ёки ёзма шаклдаги кўрсатмаси;

электрон рецепт – шифокорнинг фармацевтик маълумотга эга бўлган мутахассисга дори воситасини тайёрлаш ва (ёки) бериш ҳамда унинг қўлланилиш усули тўғрисидаги кўрсатмасини тезкор равишда олиш имконини берувчи электрон шаклда қайд этилган, электрон рақамли имзо билан тасдиқланган ва электрон хужжатнинг уни идентификациялаш имконини берадиган бошқа реквизитларга эга бўлган электрон хужжат;

экстреморал усулда тайёрланадиган дори воситалари – беморга шифокор томонидан берилган рецепт асосида дорихона шароитида тайёрланган дори препаратлари.

**2-боб. Дори воситаларини тайинлаш ва халқаро патентланмаган номланиши бўйича
рецептларни расмийлаштириш**

3. Мулкчилик шаклидан ва идоравий мансублигидан қатъи назар барча тиббиёт ташкилотларида bemorга мажбурий тартибда халқаро патентланмаган ном бўйича рецепт ёзилиши лозим.

4. Bеморга тайинланган дори воситалари (халқаро патентланмаган номи, бир кунлик дозаси, қабул қилиш ёки юбориш усули, миқдори, давомийлиги ва бошқалар) унинг тиббий ҳисоб хужжатларида (касаллик тарихи, амбулатория картаси) қайд қилинади ва бевосита даволовчи шифокор томонидан имзоланади.

5. Bеморга дори воситалари ва (ёки) экстемпорал усулда тайёрланадиган дори воситалари даволовчи шифокор томонидан имзоланадиган қоғоз кўринишидаги рецепт бланкаси (бундан бўён матнда қоғоз кўринишидаги рецепт деб юритилади) ёки электрон рецепт шаклида расмийлаштирилади.

6. Тиббиёт ташкилотларида bemorларга дори воситаларини тайинлаш ташхис қўйиш ва даволаш стандартлари асосида бир марталик, кунлик ва курс дозаларини аниқлаш орқали касалликнинг тури, оғирлиги ва хусусиятига ҳамда bemornинг ёшини ва дори воситаларини тиббиётда қўлланишига доир йўриқномада кўрсатилган дориларининг ўзаро таъсирини ҳисобга олган ҳолда даволовчи шифокор томонидан амалга оширилади.

7. Кўйидаги ҳолларда bemorга тайинланган дори воситаларининг асослилиги тиббиёт ташкилотларининг бўлим мудири ёки навбатчи шифокори ёхуд клиник фармакологи билан келишилиши лозим:

беморга бир вақтнинг ўзида беш ва ундан ортиқ дори воситалари (дори воситаларининг туридан қатъи назар) тайинланганда;

асосий касалликнинг асоратлари ёки ҳамроҳ касалликлари мавжуд бўлганда.

Мазкур банднинг иккинчи ва учинчи хатбошиларида назарда тутилган ҳолларда тайинланган дори воситаларининг асослилиги bemornинг тиббий ҳисоб хужжатларида (касаллик тарихи, амбулатория картаси) қайд этилиши ва ушбу тиббий хужжатлар бевосита даволовчи шифокор ҳамда мазкур банднинг биринчи хатбошисида кўрсатилган шахслар томонидан ҳам имзоланиши лозим.

8. Даволовчи шифокор тиббиёт ташкилотларида стационар шароитда даволанаётган bemorга ушбу муассасада мавжуд бўлмаган дори воситаларини тайинлаши мумкин.

9. Тиббий кўрсатмалар бўлган ҳолатда (ҳаётий кўрсатмалари бўйича, индивидуал кўтара олмаслик) Ўзбекистон Республикаси Соғлиқни сақлаш вазирлиги томонидан тасдиқланган диагностика ва даволаш стандартларига кирмаган, ушбу муассасада мавжуд бўлмаган дори воситалари шифокорлар консилиуми асосида тайинланади ва тиббий хужжатлarda қайд этилади.

10. Тиббиёт ташкилотининг даволовчи шифокори томонидан тайинланган рецептда дori воситасининг халқаро патентланмаган номи, таркиби, шакли, уни тайёрлаш ва бериш ҳақидаги ёзма кўрсатмаси лотин тилида, дori воситаларini қўллаш усули эса давлат тилида кўрсатилиши шарт. Зарур ҳолларда рецепт малакали таржимани таъминлаган ҳолда bemor тушунадиган бошқа тилда ёзилиши мумкин.

11. Рецепт bemorга унинг ёши, дori воситасини халқаро патентланмаган номи, экстемпорал усулда тайёрланадиган дori воситалари таркиbidагi дori моддаларининг номлари, шунингдек уларнинг дозаси, даврийлиги, қабул қилиш вақти ва давомийлиги, дori воситаларининг озиқ-овқат истеъмолига қараб оқилона кўлланиши (овқатдан олдин, овқатланиш вақтида, овқатдан кейин) кўрсатилган ҳолда мазкур Низомнинг 1-иловасига мувофиқ шаклда берилади.

Бунда, рецептда тайинланган дori воситалари (дори воситаларининг халқаро патентланмаган

номи, бир кунлик дозаси, қабул қилиш ёки юбориш усули, миқдори, давомийлиги ва бошқалар) рецептнинг йиртма корешогида ҳам бир-биридан фарқланмайдиган ҳолатда кўрсатилиши шарт.

Даволовчи шифокор томонидан тиббиёт ташкилотида стационар шароитда даволанаётган bemorга тайинланган рецептда дори воситаларини озиқ-овқат истеъмолига қараб (овқатланишдан олдин, овқатланиш вақтида, овқатланишдан кейин) қўлланилиши бўйича маълумотлар кўрсатилмаслиги мумкин.

12. Даволанаётган bemorга (bemornинг қариндошлари ёки унинг ҳолидан хабар оловчи шахсларга) дори воситаларига рецепт берилгандаги маълумотлар унинг тиббий хисоб хужжатларида (касаллик тарихи, амбулатория картаси) қайд этилади.

13. Даволовчи шифокор томонидан куйидаги ҳолатларда дори воситаларига рецепт расмийлаштирилиши тақиқланади:

мижознинг тиббий кўрсатмаси бўлмаган ҳолатларда;

Ўзбекистон Республикасида давлат рўйхатидан ўтказилмаган дори воситаларига (орфан дори воситалари бундан мустасно);

фақат тиббиёт ташкилотларида қўллашга мўлжалланган дори воситалари, шу жумладан наркоз воситаси сифатида ишлатиладиган дори воситаларига.

14. Рецепт ёзишда даволовчи шифокор томонидан мазкур Низомнинг 2-иловасида кўрсатилган асосий рецептура қисқартмаларидан фойдаланилиши мумкин.

15. Рецептда айнан қандай дори воситаси ёзилганлигини аниқлашда чалғитувчи ингредиентларнинг номига яқин қисқартмаларни ёзишга йўл қўйилмайди.

16. Ҳар бир тиббиёт ташкилотидаги даволовчи шифокорларга рецепт бланкалари ушбу муассаса раҳбарининг буйруғи билан тайинланадиган жавобгар шахс томонидан, дам олиш ва байрам кунлари, шунингдек тунги вақтларда эса тиббиёт ташкилотининг масъул навбатчи шифокори томонидан берилади.

Шифокорларга бериладиган рецепт бланкаларининг ҳисоби мазкур Низомнинг 3-иловасига мувофиқ шакл бўйича юритилади.

17. Рецепт Ўзбекистон Республикаси Соғлиқни сақлаш вазирлиги тизимидағи тиббиёт ташкилотлари томонидан берилганда уларнинг юқори қисми чап бурчагида тиббиёт ташкилотининг номи ва манзили тегишли штамп қўйилган ҳолда кўрсатилиши, хусусий тиббиёт ташкилотлари томонидан берилганда эса қўшимча равишда рецептнинг юқори қисми ўнг бурчагида ушбу муассасанинг фаолият кўрсатиши бўйича берилган лицензиянинг тартиб рақами, берилган санаси ва амал қилиш муддати кўрсатилиши лозим.

18. Рецептда “Ичиш учун”, “Маълум”, “Қоида тариқасида” ва бошқа шу каби қисқартма сўзлардан фойдаланиш ман этилади.

Рецептда кўрсатилган маълумотлар аниқ ва тушунарли тарзда тўлдирилиши, унда ўчириш ва тузатишларга йўл қўйилмаслиги лозим.

19. Экстемпорал усулда тайёрланадиган дори воситалари учун рецепт расмийлаштирилишида қаттиқ ва сочилувчан дори моддалари граммларда (0,001; 0,5; 1,0), суюқ дори моддаларининг миқдори миллилитр, томчиларда кўрсатилади.

20. Bеморга дори воситаларини шошилинч равишида ёки зудлик билан бериш зарур бўлган тақдирда, рецепт бланкасининг юқори қисмiga “cito” (шошилинч) ёки “statim” (зудлик билан) белгиси

кўйилади.

21. Тайёр дори воситаси учун рецепт расмийлаштирилганда уларнинг микдори дори воситасини қўллаш бўйича йўриқномага мувофиқ бўлиши керак.

22. Рецепт даволовчи шифокорнинг имзоси ва шахсий муҳри билан тасдиқланиши лозим. Бунда даволовчи шифокор шахсий муҳрининг ташқи айлана диаметри 20 мм, кичик айлана диаметри 10 мм, айланалар орасидаги масофа 3 мм ва кичик айлана ичидаги чизиқ узунлиги 8 мм бўлиши ҳамда катта айлана ичидаги даволовчи шифокорнинг фамилияси, исми ва отасининг исми, кичик айлана ичидаги чизиқда “шифокор” сўзи ёзилади.

Мазкур банднинг биринчи хатбоисида қўрсатилган талаблар электрон рецептга нисбатан татбиқ этилмайди.

23. Рецептлар даволовчи шифокор томонидан расмийлаштирилган кундан бошлаб 30 кун мобайнида амал қиласди.

24. Касаллиги сурункали бўлган беморлар учун амбулатория шароитида касалликларнинг халкаро таснифи рўйхатига киритилган дори воситалари ҳамда асосий фармакологик таъсирига кўра анаболик фаоллиги билан ажralиб турадиган дори воситаларига рецепт берилганда даволовчи шифокор томонидан истисно тарикасида рецептда уларнинг 60 кунлик даволаш курсига етарли микдори, қолган тайёр дори воситаларига эса 90 кунлик даволаш курсига етарли микдори қўрсатилиши мумкин.

Бунда, рецептда дорихонадан дори воситаларини бериш даври (хар хафта, хар ой ва бошқалар) қўрсатилиши шарт. Қофоз қўринишидаги рецепт “махсус мақсадлар учун” ёзуви билан даволовчи шифокор томонидан имзоланади, электрон рецептларга эса “махсус мақсадлар учун” белгиси ва электрон рақамли имзо қўйилади.

25. Стационар тиббиёт ташкилотида даволанган беморга амбулатория шароитида даволанишини давом эттириш зарур бўлган ҳолларда рецепт тиббиёт ташкилотининг шифокори томонидан беморнинг тиббий ҳужжатларидан олинган қўчирмасидаги даволовчи шифокорнинг амбулатория шароитида дори воситасининг қўлланилиши ҳақидаги тавсиясига асосан берилади.

26. Ушбу Низомда белгиланган талабларга мувофиқ расмийлаштирилмаган қофоз қўринишидаги ёки электрон рецепт ҳақиқий эмас деб ҳисбланади.

3-боб. Тиббиёт ташкилотларида беморнинг дори воситаларини қабул қилиш, сақлаш ва қўллаш

27. Тиббиёт ташкилотлари томонидан стационар шароитида даволанаётган бемор (беморнинг қариндошлари ёки унинг ҳолидан хабар оловчи шахслар) томонидан олиб келинган дори воситалари ушбу Низомнинг [8-бандида](#) қўрсатилган талабларга жавоб берган ҳолларда қабул қилиниши мумкин.

28. Тиббиёт ташкилотининг даволовчи шифокори томонидан беморнинг дори воситалари қабул қилиб олинаётганда ушбу дори воситалари рецептнинг йиртма корешогида қўрсатилган дори воситалари билан ўзаро мувофиқлиги, шу жумладан дори воситасида қўрсатилган яроқлилик муддати, бирламчи ва иккиламчи ўрамнинг бутунлиги, ташқи қўриниши текширилади ва ижобий хуласага караб рецептнинг йиртма корешоги беморнинг тиббий ҳужжатига тикилади.

29. Тиббиёт ташкилотларида стационар шароитида даволанаётган беморлар (беморнинг қариндошлари ёки унинг ҳолидан хабар оловчи шахс) томонидан олиб келинган ва алоҳида сақлаш шароитларини талаб этмайдиган дори воситалари бемор жойлаштирилган хонада, алоҳида сақлаш шароитларини талаб этадиган дори воситалари эса ушбу муассасанинг муолажа хонасида сақланади.

30. Тиббиёт ташкилотида даволанувчи беморга дори воситалари даволовчи шифокор томонидан тайинланган усулда ҳар бир дори воситаси учун белгиланган тиббиёт амалиётида қўлланиш йўриқномасига асосан ушбу муассасанинг ҳамшираси томонидан қўлланилади.

31. Дори воситалари беморга электрон рецепт асосида расмийлаштирилганда уларни қабул қилиш тиббиёт ташкилотининг даволовчи шифокори томонидан ягона электрон рецептлар маълумотлар базасида электрон шаклдаги рецепт қайд этилганлиги ва рецепт орқали дори воситалари берилганлиги тўғрисида маълумот сақланиши орқали амалга оширилади.

32. Бемор (беморнинг қариндошлари ёки унинг ҳолидан хабар оловчи шахслар) томонидан даволовчи шифокорга дори воситалари билан биргаликда рецептнинг йиртма корешоги тақдим этилмаса ёки унда Ўзбекистон Республикаси Вазирлар Маҳкамасининг 2017 йил 6 апрелдаги 185-сон қарори билан тасдиқланган Дори воситаларини ва тиббий буюмларни чакана реализация қилиш тартиби тўғрисидаги низомнинг 31¹-бандида кўрсатилган маълумотлар қайд этилмаган бўлса, тиббиёт ташкилотининг даволовчи шифокори томонидан дори воситаларни қабул қилиш тақиқланади.

33. Рецептнинг йиртма корешоги bemor (унинг қариндошлари ёки унинг ҳолидан хабар оловчи шахс) томонидан йўқотилган ёки у яроқсиз ҳолга келиб қолган ҳолатларда дорихона ходими томонидан рецептнинг дорихонада сақланаётган, йиртма корешоги ўринини босувчи, тасдиқланган нусхаси берилиши мумкин.

Бунда дори воситаларини берган дорихона ходими ўзида сақланаётган рецептнинг нусхасини тасдиқлаб беради ва ушбу рецепт нусхаси рецептнинг йиртма корешоги кучига эга бўлади.

34. Рецепт бланкаларини сақлаш ва йўқ қилиш Ўзбекистон Республикаси Вазирлар Маҳкамасининг 2017 йил 6 апрелдаги 185-сон қарори билан тасдиқланган Дори воситаларини ва тиббий буюмларни чакана реализация қилиш тартиби тўғрисидаги низомга_мувофиқ амалга оширилади.

4-боб. Якуний қоидалар

35. Мазкур Низом талабларининг бузилишида айбдор бўлган шахслар қонун хужжатларига мувофиқ жавобгар бўлади.

36. Ушбу Низом Ўзбекистон Республикаси Савдо-саноат палатаси ва Инновацион соғлиқни сақлаш миллый палатаси билан келишилган.

Тиббиёт ташкилотларида дори воситаларини тайинлаш, халқаро патентланмаган номланиши бўйича рецептларни расмийлаштириш ҳамда беморнинг дори воситаларини қабул қилиш, сақлаш ва қўллаш тартиби тўғрисидаги низомга

1-ИЛОВА

Рецепт бланкаси шакли

 <small>(тиббиёт ташкилотининг номи ва реквизитлари кўрсатилган штамми ўрни)</small>	 <small>(хусусий тиббиёт ташкилотлари лицензиясининг тартиб раҳами, бериган санаси, амал қилини муддати)</small>	 <small>(тиббиёт ташкилотининг номи ва реквизитлари кўрсатилган штамми ўрни)</small>	 <small>(хусусий тиббиёт ташкилотлари лицензиясининг тартиб раҳами, бериган санаси, амал қилини муддати)</small>
РЕЦЕПТ			
Катталарга	Болаларга	Катталарга	Болаларга
(керакслик учирисин)		(керакслик учирисин)	
Рецепт ёзилган сана		Рецепт ёзилган сана	
кун	ой	кун	ой
Беморнинг Ф.И.О.:		Беморнинг ёши:	
Шифокорининг Ф.И.О.:		Шифокорининг Ф.И.О.:	
Касаллик тарихи №:		Касаллик тарихи №	
Rp:		Rp:	
(халқаро патентланмаган номи)*		(халқаро патентланмаган номи)	
D.S.		D.S.	
Шифокорининг имёси _____ тел: _____		Шифокорининг шахсий мухри ўрни	
<small>Рецептнинг амал қилини муддати</small> <small>* Мураккаб таркибли дори препаратлари тайинланганда, шифокор томонидан унинг савдо номи кўрсатилади.</small>		<small>Берилгаётган дори препарати ёки тиббий буюмининг номи ва сервиси, партия раҳами:</small> <small>Фармацевт ходимнинг Ф.И.О.:</small> <small>Сторихона шахсий ўрни</small>	

Изоҳ:

рецепт бланкасининг ўлчами – 105 x 148 м;
рецептнинг йиртма корешоги ўлчами – 70 x 148 мм.

(рецепт қисмининг орқа томони)

ЭСЛАТМА

Тиббиёт ташкилотининг реквизитлари босма усулда ёзилади ёки штамп қўйилади.

Рецептда шифокорнинг фармацевт ходимга дори воситасининг халқаро патентланмаган номи, таркиби, шакли, уни тайёрлаш ва бериш ҳақидаги ёзма кўрсатмаси лотин тилида, дори воситаларини қўллаш усули эса давлат тилида кўрсатилиши шарт. Зарур ҳолларда малакали таржимани таъминлаган ҳолда bemor тушунадиган бошқа тилда ёзилиши лозим.

Рецептда битта дори воситаси ёзилади.

Рұхсат этилган асосий рецептура қисқартмаларидан фойдаланилиши мумкин.

Рецепт bemorni даволаниши учун керакли миқдорда берилади.

Каттиқ ва сочиувчан дори моддалари граммларда (0,001; 0,5; 1,0), суюқ дори моддаларининг миқдори миллилитр, томчиларда кўрсатилади.

Рецептда “Ичиш учун”, “Маълум”, “Қоида тарикасида” ва бошқа шу каби қисқартма сўзлардан

фойдаланиш ман этилади.

Шифокор имзоси унинг шахсий муҳри билан тасдиқланади.

Дори воситалари берилгандан кейин рецепт дорихонада қолдирилади, рецепт йиртма корешоглари расмийлаштириб берилади.

Рецептда тайинланган дори воситаси бўйича тушунмовчилик келиб чиқсан холларда, рецептда кўрсатилган шифокорнинг телефон рақами орқали шифокор билан боғланиб аниқлик киритилиши мумкин.

Экстемпорал усулда тайёрланган дори воситаси № _____		Дорихона штампи	
Қабул қилган дорихона фармацевт ходимининг Ф.И.О.	Тайёрлаган дорихона фармацевт ходимининг Ф.И.О.	Текширган дорихона фармацевт ходимининг Ф.И.О.	Берган дорихона фармацевт ходимининг Ф.И.О.

(рецепт йиртма корешогининг орқа томони)

БЕМОР УЧУН ЭСЛАТМА

Рецептнинг йиртма корешоги (стикер, дори воситаси ҳақида тўлиқ маълумот берувчи товар чеки) дори воситаси билан даволаниш якунига қадар сақланиши лозим.

Тиббиёт ташкилотларида дори воситаларини тайинлаш, халқаро патентланмаган номланиши бўйича рецептларни расмийлаштириш ҳамда беморнинг дори воситаларини қабул қилиш, сақлаш ва қўллаш тартиби тўғрисидаги низомга
2-ИЛОВА

Асосий рецептура қисқартмалари

Т/р	Қисқартмалар	Тўлиқ ёзилган ҳолати	Давлат тилидаги таржимаси
1.	aa	ana	тeng миқдорда
2.	ac. acid	acidum	кислота
3.	aer	aerosolum	аэрозоль
4.	amp.	ampulla	ампула
5.	aq.	aqua	сув

6.	aq. pur.	aqua purificata	тозаланган сув
7.	but.	butyrum	мой (қаттиқ мой)
8.	comp., cps.	compositus (a, um)	мураккаб
9.	D.	Da (Detur, Dentur)	бер (берилисинг)
10.	D.S.	Da, Signa, Detur, Signetur	бер, белгила, берилисинг, белгилансинг
11.	D.t.d.	Da (Dentur) tales doses	бер (берилисинг) ушбу дозада
12.	dil.	dilutus	суюлтирилган
13.	div.in p.aeq	divide in partes aequales	тeng миқдорга бўлинг (қисмларга ажратинг)
14.	emuls.	emulsio	эмульсия
15.	extr.	extractum	экстракт
16.	F	fiat (fiant)	хосил бўлсин
17.	gran.	granulum	грануллар
18.	gtt.	gutta, guttae	томчи, томчилар
19.	gtt. peror.	guttae peroralis	ичиш учун томчилар
20.	inf.	infusum	дамлама
21.	in amp.	in ampullis	ампулаларда
22.	in tabl.	in tab(u)lettes	таблеткаларда
23.	in tab. prolong. obd.	in tab(u)lettis prolongatis obductis	узоқ таъсир қилувчи қопланган таблеткалар
24.	lin.	linimentum	линимент
25.	Liq.	liquor	суюқлик
26.	lot.	lotion	лосьон
27.	mixt.	mixtura	микстура
28.	M.pil.	massa pilularum	пилюля массаси
29.	M.	Misce, Misceatur	аралаштирилган бўлсин)
30.	N.	numero	рақам билан
31.	ol.	oleum	мой (суюқ)
32.	past.	pasta	паста
33.	pil.	pilula	хаб дори
34.	p.aeq.	partes aequales	тeng миқдорда
35.	ppt., praec.	praecipitatus	чўкма

36.	pulv.	pulvis	кукун
37.	q.s.	quantum satis	қанча талаб қилса, керагида
38.	r., rad.	radix	илдиз
39.	Rp.	Recipe	ол
40.	Rep.	Repete, Repetatur	кайтар (кайтарилисін)
41.	rhiz.	rhizoma	илдизпоя
42.	S.	Signa, Signetur	белгила (белгилансин)
43.	sem.	semen	урұғ
44.	simpl.	simplex	оддий
45.	sir.	sirupus	сироп (шарбат)
46.	sol.	solutio	эритма
47.	supp.	suppositorium	шамча (суппозиторий)
48.	spr.	spray	спрей
49.	tabl.	tab(u)letta	таблетка
50.	t-ra, tinct.	tinctura	тиндирма
51.	ung.	unguentum	суртма
52.	vitr.	vitrum	шиша идиш

Тиббиёт ташкилотларида дори воситаларини тайинлаш, халқаро патентланмаган номланиши бүйича рецептларни расмийлаштириш ҳамда беморнинг дори воситаларини қабул қилиш, сақлаша ва қўллаш тартиби тўғрисидаги низомга

3-ИЛОВА

Тиббиёт ташкилотларида рецепт бланкаларини беришни қайд қилиш

ЖУРНАЛИ

T/p	Рецепт бланкалари сони	Тиббиёт ташкилотининг бўлими	Рецепт бланкасини берган ходимнинг Ф.И.О.	Имзо	Рецепт бланкасини олган ходимнинг Ф.И.О.	Имзо	Сана

Ўзбекистон Республикаси соғлиқни сақлаш вазирининг
2020 йил 1 июлдаги 121-сон **буйруғига**
2-ИЛОВА

**Ўз кучини йўқотган деб топилаётган идоравий норматив-хуқуқий хужжатлар
РЎЙХАТИ**

1. Ўзбекистон Республикаси соғлиқни сақлаш вазирининг 2010 йил 18 июндангы 191-сон “Даволаш-профилактика муассасаларида дори воситаларини тайинлаш ҳамда беморнинг дори воситаларини қабул қилиш, сақлаш ва қўллаш тартиби, шунингдек дорихоналар томонидан аҳолига дори воситаларини рецепт асосида бериш тўғрисидаги низомни тасдиқлаш ҳақида”ги буйруғи (рўйхат рақами 2118, 2010 йил 29 июнь) (Ўзбекистон Республикаси қонун хужжатлари тўплами, 2010 й., 26-27-сон, 219-модда).

2. Ўзбекистон Республикаси соғлиқни сақлаш вазирининг 2013 йил 26 сентябрдаги 327-сон “Даволаш-профилактика муассасаларида дори воситаларини тайинлаш ҳамда беморнинг дори воситаларини қабул қилиш, сақлаш ва қўллаш тартиби, шунингдек дорихона муассасалари томонидан аҳолига дори воситаларини рецепт асосида бериш тўғрисидаги низомнинг 2-бандига ўзгартириш киритиш ҳақида”ги буйруғи (рўйхат рақами 2118-1, 2013 йил 3 октябрь) (Ўзбекистон Республикаси қонун хужжатлари тўплами, 2013 й., 40-сон, 538-модда).

3. Ўзбекистон Республикаси соғлиқни сақлаш вазирининг 2016 йил 25 августдаги 62-сон “Даволаш-профилактика муассасаларида дори воситаларини тайинлаш ҳамда беморнинг дори воситаларини қабул қилиш, сақлаш ва қўллаш тартиби, шунингдек дорихона муассасалари томонидан аҳолига дори воситаларини рецепт асосида бериш тўғрисидаги низомни тасдиқлаш ҳақида”ги буйруққа ўзгартириш ва қўшимчалар киритиш тўғрисида”ги буйруғи (рўйхат рақами 2118-2, 2016 йил 23 сентябрь) (Ўзбекистон Республикаси қонун хужжатлари тўплами, 2016 й., 38-сон, 455-модда).

4. Ўзбекистон Республикаси соғлиқни сақлаш вазирининг 2017 йил 15 ноябрдаги 121-сон “Даволаш-профилактика муассасаларида дори воситаларини тайинлаш ҳамда беморнинг дори воситаларини қабул қилиш, сақлаш ва қўллаш тартиби, шунингдек дорихоналар томонидан аҳолига дори воситаларини рецепт асосида бериш тўғрисидаги низомни тасдиқлаш ҳақида”ги буйруққа ўзгартиришлар киритиш тўғрисида”ги буйруғи (рўйхат рақами 2118-3, 2017 йил 22 ноябрь) (Қонун хужжатлари маълумотлари миллий базаси, 22.11.2017 й., 10/17/2118-3/0293-сон).